

蜈蚣湯

日頭斜西，暗頓拄食飽 ê 時間，攪沙 ê 暗靜仔摸入來廳仔，佇壁角恬恬仔 sīm 有一晷久，伊有 siam 著阿科師 in 某棺物件幹去後壁毋知欲去無閒啥，拄才伊輕輕仔 liam 入來 ê 時，嘛有影著阿科師 ê 尻脊餅，阿科師跂疊盤，坐佇暗間仔塗跂 ê 草蒲團頂，親像一 sian 石佛仔，袂振袂動，斷半聲說。

攪沙 ê 閣提氣 liam 步，貓仔行中脊，恬恬無聲，鬼仔無跂半浮飛，目瞬久已經來佇阿科師 ê 後壁，身軀放鼓跂隨 huê 出去，是布雞拳 ê 踢斗，跂模正正就欲對阿科師 ê 後頭擴予 lueh，是講攪沙 ê 有節力，tsit 跂是欲予阿科師甃倒食塗爾爾，無按算欲捏伊 ê 性命；thài-thó 會知跂底都未曾磕著頭咧，阿科師身軀已經先 ànn 倒，正手撲一下，連鞭五支指頭仔黏佇攪沙 ê 跂目，金鷹拳 ê 鷹爪有影無膨風，跂目去予摠著就 ná 像去予猴齊天 ê 頭箍束著兼催咒，疼一下袂赴哀。

阿科師躡起身，行剪馬出房間門，攪沙 ê 跂目予牽咧，袂輸一隻風吹 ná 欲飛 ná 毋飛，猶袂赴想咧，阿科師比一个八寶朝堂，手爪一下放，風吹離線，對門喙飛出去 ah，一直甲大埕 ê 尾溜才落地。

Tsit 个攪沙 ê 毋是無名無聲 ê 三跂貓，人叫伊阿沙師，是虎尾武曜館 ê 頭人，伊予人 uì 門喙庠出來，直直去甲埕仔尾，手佇塗跂輕力仔 thènn 一下，半空中拋一輓，隨佇塗跂三步擡倚定。

「阿沙師，咱欲來奉茶也無代先通知，簡慢 ah，失敬！」廖科倚佇門口，輕輕仔 òng 邊 a 跳一步，出禮拳，予攪沙 ê 看著閣較凝，伊自來就感覺客人仔請拳 ê tsit 个式足假仙，是假盡情。

攪沙 ê 欲出來進前，大聲話唱代先，講欲去頭欠教示振興社 ê 廖科，予伊一頓仔粗飽，仝款拜六房媽 ê 兄弟仔聽著頭 ê 按呢講，當然嘛綴咧欲來看鬧熱，毋好看 tse 四箍圍仔現現無人，其實十外个人，有 ê 佇厝尾頂，有 ê 覘踎大樹箍後壁，有 ê 並踎草埕邊，攏目睷金金咧看咧，tann tsit 个攪沙 ê 入去無倂久，煞親像破布尪仔 hōng 抨過大埕，若無緊 phînn 倒轉，面子就卸了了 ah。

攪沙 ê 拄出門 ê 時，看見矜簷跛一尾蜈蚣有指指遐粗，伊繼手拗兩枝樹 le，共蜈蚣夾起來，講：「我攪沙 ê 若拍輸 hit 箍廖科，tsit 尾蜈蚣活活配冷茶，連湯掛料淋落去！」

六房媽 ê 子弟，不管是武躍館、武耀館、武德館恰武德會 ê，看 hit 尾蜈蚣予樹 le 夾牢咧，烏 tòò 紅身軀帶金水，一節一節 ngi'auh 無停，笑黃 ê 跛 siàu 不盡閣直直掰，聽著阿沙師用「蜈蚣湯」咒誓，攞拍撲仔喝咻，無人想欲六房媽 tsit 斗失面子，嘛無人愛看 tshuā 頭 ê 咻「蜈蚣湯」，毋過 tshuā 頭 ê 連「蜈蚣湯」都敢跋，拍算是穩贏 ê ah，即時有十外個人講欲綴去贊聲。

「咻蜈蚣湯猶是小可代誌，布家先師 ê 功夫絕對袂用得予 he 拍金鷹拳 ê 客人仔看無目地。」攪沙 ê 那想，手出雙隨拳 ng 廖科抑倚過，廖科看伊毋肯煞，嘛只好奉陪，出撲內對付。

攪沙 ê 雙隨拳去到地，無張持出三挫，廖科身軀坦斜身閃過，相連繼用金鷹拳 ê 撲內步數拍還伊，一撲頭、一撲尾、二撲頭、二撲尾、三撲頭、三撲尾，六招無停，攪沙 ê 行布雞拳 ê 七步，有時 khuè 手，有時避開，雄雄倚身一步大開門逼來佇廖科胸前，廖科越轉身出一步太子過金橋，鷹爪鑿對攪沙 ê 骹枝骨尾，tse 若予鑿著，攪沙 ê 就愛 hông 扛轉去咻蜈蚣湯 ah，想袂到攪沙 ê 雄雄跔低，廖科 ê 鷹爪佇攪沙 ê 頭殼邊抓著空氣無打緊，攪沙 ê 大開門變大開門反拳，拳頭毋直直對廖科 ê ē-keh bók--lueh，廖科連退十步才倚定，是好佳哉丹田氣飽滿，無著傷。

廖科知影攪沙 ê 是想真欲傷伊，毋是來試懸低爾爾，閣相讓毋是辦法，屈勢替換，排出金鷹拳撲外 ê 身勢；攪沙 ê 雖然一時間佔風頭，毋過伊知影對方並無受傷，閣想著廖科拄才仔序伊出門 ê 跛手，攪沙 ê 知影伊功夫真 jió-tooh，tsit 擺來，無 hit 號穩贏 ê，著 sái-phak 手緊收煞較實在，趁伊拄倚在爾爾，隨閣抑倚去，三逼連拳出了，換出龜殼消欲偕伊，廖科毋敢看輕伊，用撲外 ê 步數對付，二龍、展翼、踏蓮出了，無想著對方會閣雄雄跔低攻伊下盤欲共偕倒，趕緊躡起，出撲外 ê 飛足 khau 倒起來，去 ngi'auh 攪沙 ê 面，趁攪沙 ê 避閃 ê 時，廖科已經跳去一丈外去佇矜簷跛，心內咧想，tse 七欠媽 tsit 斗恰六房媽 hit 斗，雖然無啥咧來去，毋過 tsit 幾冬都也無起 kau-liâu，是按怎 in 會無張無持欲來起 khê-khang，而且出手閣 tsiah 雄…

才想講欲小停睏問予詳細爾爾，攪沙 ê 已經閣 hop 過來 ah，攪沙 ê 無咧客氣 ê，tsit 招羅漢直接拍對廖科 ê 胸坎，廖科 tsit 陣干焦是想欲將代誌問予清楚，無閣主動出招，那出手擋，那閃身，煞予攪沙 ê 掠做廖科變無步 ah，「無趁 tsit 陣共 khǎn-jió 起來，無，

欲等底時？」攪沙 ê 隨變招，三斬相準準削對廖科 ê 骹邊、軟肚邊、領腮，廖科閃過頭前兩斬，跔低了後躡倒出去，佇塗跂反狗仔閣倚起，就是按呢，攪沙 ê 第三斬拄好拍著廖科 in 某梅ā，梅ā對厝後壁收衫幹出來，註衰去承著，搨一下梅ā規 sian 人跂離塗，頭倒栽磕佇 khiat 仔角，頭殼碗破空 bòn 血，人昏昏死死去。

李之岳無想著講 tsit 个計劃會 tsiah-nī仔成功！雖然西螺七欠伶斗南、斗六、古坑、虎尾 ê 六房媽 tsit 井，自來就因為客人伶 Hō-ló 袂合，無啥咧交插，毋過不管是警總、憲兵司令部情報處、警務處情報室抑是社會處調查室，攞早就懷疑 tsia-ê 武館系統有咧插黨外，啊 in hia-ê 人閣有咧練武，若予 in 和同，áh 會直！毋才李之岳會交代憲兵司令部情報處下跂 ê 人，放風聲使弄，自本是按算欲予 in 互相袂信任，無法度做相倚爾爾，想袂到，兩句：「七欠頭欠 ê 阿科師武功蓋世，拜六房媽 ê 攞予拍假 ê。」煞弄甲六房媽 tsit 井 ê 黃攪沙去拍廖科，閣共廖科 in 某拍拍死。

「處長，廖科叫救護車了後，就將六房媽 ê 人攞趕走去 ah，閣愛 in 莫假好衰，放刁講伊會去揣黃攪沙報仇。廖科無生困，伊惜某是出名 ê，tann，某 hông 拍死，伊袂放 in 煞 ê，咱 thing 好倚懸山看馬相踢 ah！」Hit 工覘佇現場 ê 透仔共李之岳報告。

「Ngh…In 哪會無報警察，自按呢予黃攪沙離開咧？」

「處長，in 拍拳 ê 真重視比武輸贏，比武輸贏、是傷是死，he 攞愛比武 ê 人家已吞落去，無咧告官 ê；tsit 件代誌 kah 是比武引起 ê，雖罔是意外，毋過自然 tik 嘛無容允外口 ê 人去介入，有啥 mih 冤仇，廖科攞會欲伊家已過手……處長敢有欲叫檢察官將 hit 个姓黃 ê 公訴？」

「毋免！若共起訴，tsit 件代誌就變是公家 ê 介入，規个擋恬 ah，按呢，看狗相咬 ê 戲毋就 náo-sút，無彩咱致心致肝！恁猶原照自本底 ê 計劃，看啥 mih 手段、法度攞好，繼接共 hiannh 柴添火著，上好予 in 兩井愈 tak 愈激膠，擲刀 sio 刺，刮死了了，按呢咱上省工。」

80 年代是一个龜怪 ê 年代，連鞭有教授無代無誌佇學校毋知予啥人刮死，啥人嘛臆是伊得失政府，予特務仔結果擲揀，總是賊頭伶特務仔鬥空，攞講無證無據，一般人較濟是恬稚唯是，較免 hông 請去警總奉茶。毋過都過一冬爾爾，上尾二十四個 228 事件 ê 監囚，煞予政府放出來，想講時代咧變 ah，政府較有天良 ah，兩冬後，政府煞拍派烏道 ê 去美國彈死欲寫冊共 Tsiunn-tsî 國燻空 ê 人，tsit 款政府袂輸祭星神咧，攞莫

有交插較保領，拈起 tse，咱嘛著好禮仔佱人交陪，若有時間就去廟裡拜拜，七欠媽、六房媽攏好，保庇毋好有人密報烏白 tsuànn，害人食免錢飯猶算小可仔，若食銃子就有影無捨施 ah。

雖罔時勢 tsiah-nī仔 bái，都嘛是有人毋驚死，欲佱 tsit 个政府輸贏咧。

就是有人相約束，講 hit 年 ê 5 月 19，欲做伙去艋舺 ê 龍山寺，要求政府解除戒嚴；消息有竝，四界去四界行，七欠佱六房媽 tsit 并攏有人咧風聲。

廖科自從某死，頭毛佱喙鬚攏毋剃，規个面鬚 kê-kê，伊本來個性就較恬才，無愛講話，伊 ê 親族仔佱師仔攏講規年迴天，罕得看伊笑，嘛罕得看伊受氣，梅ā死 hit 工，人頭一擺看著伊流目屎，毋過佱人前伊極加是 tsheh 氣，無出聲；梅ā出山 hit 一日，半暝仔地靈較輕，規个頭欠攏聽會著查埔人咧吼 ê 聲，有人講是廖科死某咧艱苦，毋過隔轉工看伊都也全款恬稚恬稚，無話無句，面親像 khōng 石膏，無半點仔表情，「按呢 he 昨暝是墓墳仔 ê 狗咧 kho 狗螺啦！」有人就按呢講 ah，「阿科師人上定著 ê，袂吼甲 hiah 忝 hiah 無擲節 lah！」看都正經按呢無毋著，自 hin 了後，伊除了佱武館牽師仔，就是一个人佱埕裡擊石頭仔，伊 ê 師仔有講欲去替師母報仇 ê，有講欲綴人去佱惡質 ê 政府對 tuê，攏一个一个予伊擋落來，愛 in 拈鴨卵 hiah 大粒 ê 石頭仔疊佱 in 厝 ê 埕裡，啊伊就逐工用石拭仔佱遠遠 hia 畫一个號，用石頭仔相準去擊，人講伊本底是欲練予武功開台仔厲害了後，家已去揣六房媽 ê 人算 siàu，一擺共 in 總剿，哪會知影練一下走火入魔頭殼各樣去。

六房媽 tsit 并咧，黃攪沙 ê 火焮性死毋肯改，聽著講人 5 月 19 欲艋舺集會，連鞭氣怱怱直直趟 ah，伊知影賊頭一定有準備，「恁去探聽看覓仔，tsit 个賊仔政府欲使啥 mih 暗步，咱學武 ê 人愛主持正義，袂使據在 hia-ê 賊頭食人夠夠！」

尾仔 5 月 19 hit 工，六房媽 tsit 并干焦派林結合暗中上北，就是有人風聲講若黃攪沙 in 敢去艋舺插事，七欠欲佱半路佱 in 輸贏，龜怪 ê 是，斗南、斗六、古坑、虎尾 tsit 并風聲謗影，七欠廖科 in hia 都毋知有 tsit 號代誌，毋才講憲兵司令部情報處 ê 特務仔功夫一 tóo 讚，出一支喙就好，連擊手腕 ê 氣力都省起來。

艋舺龍山寺 hit 工無迎鬧熱，毋過人比迎鬧熱閣較濟，啗甲連蠓仔、胡蠅都飛袂出去，新聞報去甲國外，害政府真無面子，講 in 戒嚴嘛是孤不而將，講甲喙角全波，毋過國際上全款指指揆揆，知影 in 閣咧白賊 ah。原本底政府是毋免按呢滿面全豆花 ê，人 in 警

務處情報室佇 5 月 19 進前，早就攢好勢 ah，按算 hit 个 tshuā 頭 ê Nylon 欲到位進前，就先佇半路共暗靜仔 khok 起來，in 想講對頭共捻起來，下跤 ê 就變無 lián，到時欠 tsit 枝大支 mài-khuh 躡廟埕 ê 台仔頂鼓吹，免講嘛較消風去。Hit 个時代，就親像頭前講 ê 蓋龜怪，政府真惡，毋過黨外嘛無通予推軟仔咧，雖然政府真凝 hit 个 Nylon，毋過一時間閣擬無罪名通押人，按呢上好 ê 方式就是派毋免負責 ê 特務仔出面，照 in 結果教授 ê 手路來處理。

自昨暗就守佇 Nylon in 兜樓跤 ê tsit 个高 tshiâng 大漢 ê 烏衫人，就是警務處情報室出來欲辦代誌 ê，伊一下看著 Nylon in 一陣人出來，隨尾行，事實講伊並無將 tsit 四五个人看佇眼內，照伊拍算，十秒鐘內就欲愛 hit 行人攏仆仆倒，Nylon 才共貯咧布袋仔，搶去警總保安處。

看巷仔內無別人，烏衫人隨對後壁抑倚過，Nylon in 一陣人猶那行那咧參詳等一下 ê 代誌，攏毋知後壁有危險；無張持一个人躡來佇 in 佻烏衫人中間即時擋恬，烏衫人規个拚對伊身軀頂，親像去從著一粒灌風灌飽 ê 大粒雞胗，自按呢 ò 後面倒彈出去。

Tsit 个烏衫人跤手活氣捎溜袂輸一隻猴，飛去佇半空中閣會曉反身掠平棒雙跤落地，若是別人，按呢彈一下摔出去，無死嘛半條命 ah，當時仔就是予阿沙師拍派，來咧保護 Nylon ê 林結合。

「臭小囡，你找死你！」烏衫人話猶未講煞，tshik 一个猴身猴手已經來佇林結合面頭前，林結合看伊 ê 屈勢，知影是通臂拳 ê 高手，看伊雙推掌來到位，緊用手去 khuè，明明看伊是直直掠來，thah 會知手予磕著煞親像去沐著車葉仔，一个轉躡 ê 力強欲將伊幌出去，林結合掣一趔，跤步小倚袂在爾爾，對方尖拳已經拍來到位，正正對伊胸脊骨春落去，林結合疼一下，感覺拳頭姆閩迴去尻脊駢，一口氣順嚨喉衝懸，掛血對喙霧出來。

Tsit 聲伊知影傷過看輕對敵 ah！規个警務處情報室嘛才派一个人來，當然是技手！

林結合用手腕將喙角 ê 血水 huê 掉，雙手伸展，親像兩支大支翼股撲咧撲咧。

「二高師傅落來 ê 鶴拳？」烏衫人講，「真好！今仔日就掠你 tsit 隻鷓鴣出水！」拄講了平拳已經欲拍來到位；林結合繼接撲翼 ê 勢，用水肢對應，看起來 ná 水決荏力荏力，突然間愈撲愈雄，變做大海 ê 透流生狂湧，烏衫人予搨一下一直擲，險險仔跋倒。

暴其然烏衫人重心放低，猴挽仙桃 ê 撩陰掌探來，欲趁林結合閃身、跛步徙動，揣空縫挽伊，無想著林結合煞規个跳起來，對伊頂懸躡過，半空中出跛對烏衫人 ê 尻脊骹蹺 lueh，烏衫人自按呢面規个蹺對打馬膠路，中齒 khok 斷喙含血，無等林結合第二跛蹺到位，伊已經拋麒麟去邊仔重閣倚起身，面裡有 ê 位仔青筍筍，有 ê 位仔紅記記，嘛毋知是烏青、流血抑是受氣咧變面。

雄雄烏衫人出崩中拳衝倚來，林結合出火手將對方 ê 力辦對頂懸，烏衫人看拳勢走精，隨換貫耳，拍橫 ê 過來，林結合閃身去佇伊後壁，出印手，tse 印手捏拳頭掛猛力，若予春著，定著腹內大出血，哪會知烏衫人猴身猴體手伸長向後壁就是勾摟手，一爿極硬像鋼鐵，一爿極活像軟水，林結合出 tsit 拳是母力，去予 huê 一下煞偏去，人踹一下，目睷金金看烏衫人斬首拳已經欲到伊領頸後，實在是無辦法 ê 辦法，緊拳頭 tu 指指 ê 中節出尖，相準準對烏衫人胸坎邊 ê 章門穴就共揆 lueh，烏衫人去著著鶴拳 ê 殺招一木手，即時 lut 力抨倒佇塗跤，血水像水泉對喙空直直噴出來。

林結合知影伊重傷，無可能閣 peh 起 ah，就翻頭欲做伊離開，攏無想著烏衫人伸手對跛腿拔一支短銃，對林結合相準就共銃 tauh 刁落去…

Tsit 擺 ê 代誌，予政府真 gōng-giáh，因為 5 月 19 ê 活動，國內外 ê 壓力做一睷逼倚來，無 ta-uâ，只好宣布考慮解除戒嚴，規个過程中，in 除了真 gê Nylon、阿扁、長 ê hia-ê 黨外 ê 人，嘛對拜六房媽 ê 武館真 gīn-siâu，伊無想著武館會有 hit 个膽直接去支持反對政府 ê 勢力，閣拍贏警務處情報室 ê 高手，tann 無共六房媽 tsia-ê 武館總剿 ah 會直？！

黃攪沙知知咧，伊 kah 若敢去捋虎鬚，就有對頭相衝 ê 心理準備 ah，毋過若干焦斗南、斗六、古坑、虎尾 tsia-ê 兄弟去拄手，當然是較輸有別位來鬥相侷拚角頭。

Tsit 工半暝，兄弟仔佻入門 ê 師仔攏來佇武曜館聚集，關門門戶，外口閣派人倚風，內底點蠟燭，做伙咧講細聲話。

「我欲家已來去頭欠 ê 振興社招 in 做伙去七海揣 Tsiunn-tsî 國 à。」黃攪沙按呢講。

伊 ê 兄弟仔、師仔聽一下攏喙仔 ngā-ngā。

「師兄，阮攏知影你功夫足好，毋過你家已去振興社，猛虎袂擋得猴群 lah。」頂擺去台北救著 Nylon ê 林結合按呢講；hit 擺尾 à，伊予烏衫人使暗烏下彈銃，是好佳哉一來步位無著銃，二來，Nylon ê 友志翻頭來欲提物件看著，替伊叫救護車，無啥敗害；伊銜接講：「Hit 箍廖科，聽講怨你怨入骨髓，苦袂當共你拆食落腹，就準 in 無你 ê 法，嘛袂來佢咱 ê--lah！」

「我去振興社共 in ê 祖師請罪，共廖科親身請罪！」黃攪沙 tsit 个人蓋土直，想著啥就心心念念。

「師兄，你 tsit 逝去振興社且無講，你講…欲去七海…敢是 Tsiunn-tsi 國 à ê 官宅？伊 hia 定著守甲密 tsiuh-tsiuh--ê，咱去，毋就是送肉飼虎？」

「結合 à，咱 tsîng-kah-tann 佢 tsit 个漚古政府咧 pinn-puih，in 干焦是懷疑咱爾爾，tsit 擺你去台北，算是佢 in 拆破面 ah，是講，拆了都真有價值哩！啊毋過 in tsiàng 時就袂閣躊躇 ah，定著欲佢咱對午衝 ah，啊咱是欲按怎佢官府拚 lah？敢講咱欲四散去逃活，開暗館度日？若按呢是閣會當覘佢久？啊恁真濟人有老爸老母、厝裡有某有困 neh！」

講甲 tsia，現場是斷點聲，學武 ê 人，「路見不平，氣死閒人」ê 心攏有，若一箍 liù-liù，佢伊配嘛無 hìnn-hainn，毋過若講著爸母某困愛做伙拖磨，真濟人就開始毋甘 ah。

「人講掠賊掠賊頭，若欲坐佇 tsia 領頸伸長等人剝，較輸咱直接從去揣 Tsiunn-tsi 國；若輸，橫直佇 tsia thîng 割 thîng 繕嘛是輸；若贏，毋但是咱贏，台灣 ê 老百姓攏總贏！」黃攪沙講甲 tsia，心內 ê 憤慨哲袂過 ah，目睷掠眾人掃一輓，「Tsit 款抱么佔六 ê，有人欲綴我無？」細聲話講甲落尾句，規个 āng 聲起來。

阿沙師都按呢講 ah，伊 ê 師仔當然是隨个仔相爭擲手，啊 tsia-ê 兄弟仔，親像穿全領褲大漢 ê，都做伙 tsiah 欠 ah，想想 leh，頭洗落去 ah，無剃敢會使？牙齒根咬 leh，共衝一擺，過就全過 ah！最後，逐家都手擲懸懸，無人閣勾倒轉。

「好！按呢恁且等我，我來去頭欠行一逝，不管結果按怎，咱攏欲去七海將代誌做一擺解決！」

隔轉工早起，嘛是 hit 年 in ê 年尾，黃攪沙 tán-tshau it-kô 去到振興社，講伊無存死心胚是騙人 ê，毋過伊按算講，若是家已死，會當予萬事卸落大海，兩爿和齊，按呢，加足有贏面 ê，伊死嘛有價值 ah。

振興社 ê 子弟入去稟報了，出來請攪沙 ê 入去，攪沙 ê 經過門埕，踏入大廳，大廳中央一頂尅 keh 桌，兩爿吊聯對，正爿寫「少年來去守身體」，倒爿是「練其浮沈行四方」，尅 keh 桌頂三尊祖師，正中央觀音佛祖，正爿煉成先師，倒爿金鶯先師，攪沙 ê tshím 入去到地，雙跂隨跪 lueh，跂頭跌「khòk」一聲損對塗跂。

「虎尾黃攪沙知罪，佇 tsia 共振興社祖師爺磕頭請罪！」講了，頭殼舂米撞 tauh，「phók phók phók phók…」相連繼磕二十七下，頭額也青也紅，因為流血，半焦澹仔半焦澹。

Tsit 个振興社 ê 弟子看伊按呢，都也無著驚，面仔無變，干焦倚佇邊仔，黃攪沙對伊講：「勞煩小兄，請阿科師大駕，我黃攪沙通向伊領罪。」

Tsit 个弟子聽伊按呢講，也無請伊起身，就做伊幹入去內底間，留黃攪沙一个人跪。

對早起跪甲日當倚，對日晝跪甲日懸西，跪甲廳裡 ê 光線規个暗落來，tsit 陣，才有人對內底間行出來。

黃攪沙跪甲跂麻手痺，掠做是廖科總算出來欲見伊 ah，「廖科兄！是我毋著！Tann 我來佇 tsia，據在你處置！」伊大聲喝喊。

「師傅愛我將 tse 交你。」

結果煞是全 hit 个振興社 ê 子弟，手裡提一个四方四方 ê 柴盒仔。

黃攪沙將盒仔接過手，問：「阿科師閣有講啥無？」

「師傅講：請回，無送。」

「廖科兄，我會閣來共你領罪；毋過，請你帶念雲林 tsia-ê 兄弟，猴死豬哥也無命！做伙來拚 tsit 注！」黃攪沙欲走進前，閣大聲講，毋過振興社內外靜 tshiauh-tshiauh，無人應聲。

目今六房媽 tsit 并只有靠 in 家己 ah。

「欲去衝七海官宅，敢毋免紮銃？」有人按呢問。

黃攪沙是按呢回答 ê：「用咱 ê 功夫恰頭殼，若真正愛銃，去 hia 共 in 提。」

七海官宅是倚山兩層 ê 紅毛塗厝，四周圍，除了穿制服 ê 賊頭恰白帽仔，閣有白身 ê，是講 hia-ê 白身 ê 真戇，制服無穿 ah，煞猶原穿一軀 in ê 中山裝，真好認。

黃攪沙 in ê 計智是按呢生，十外个信會得過 ê 兄弟仔恰師仔，1月13翻點，兩三個人一組佇官宅暗伏，若有看著落孤鳥 ê 白身 ê，就緊猛抑倚去 kā 結果擲抹，拖去溝仔內底炭焦葉草枝掩 leh，in 功夫好，倚一點鐘久，白身 ê 就清了了 ah，閣來，當然無直接 uì 門口衝衛兵，in 將棉襪被幌起去牆圍仔頂炭 leh，一來較免予頂懸 ê 玻璃 phuè 仔、鐵線割著，二來，若有過電嘛免驚，十外个人攏盤過了後，被撲倒入來，抗踹牆圍跤，隨暗靜仔去大門口摔後炮，衛兵目睷攏顧外口，無疑悟後壁有人使暗烏下，一下仔就 hông khǎn-jió，in 兩枝長銃、一枝短銃搶過手，共大門鎖閣門，拍算警衛隊若較晏知機來打 tsah，會當罔擋，了後押 hit 个上驚死 ê，先去邊仔 ê 警衛棧間，將銃恰銃子攏搜出來，按呢，佇 in 入來半點鐘內，就干焦賸厝間內底 Tsiunn-tsî 國 à ê 隨身護衛愛對付 ah。

樓跤入去，是餐廳恰人客廳，電火關甲暗 so-so，khǎ-tián 嘛攏放落來，tshím 入去啥都看無，一陣人佇內底青盲摸，咧揣樓梯欲起 lih。

雄雄，逐葩電火攏總光起來，親像日頭做一下跳去天公頂，in 目睷鑿一下擘袂金，干焦聽著有人 āng 聲講：「毋好彈銃，無，阮就先將黃攪沙彈死。」

等目睷閣看有，才發現樓梯就佇入門 ê 正手并，頂懸倚一个穿 khóng 色長衫套袍、半 ló 老 ê 查埔人，門喙 hia 有五个擡長銃 ê 白帽仔，已經對 in 相準。

「阿沙師，罕行罕行！罕得幾時，會用得恰六房媽 ê 武功高手互相落氣求進步咧？咱敢欲規氣攏莫用銃，空手白拳來輸贏按怎？」Hit 个穿長衫 ê 查埔人按呢講。

「阮 ah 會知影恁袂反僥？」林結合踏一步倚進前，大聲共問。

「Hah hah hah hah！好lah，按呢就予恁看一下仔阮ê誠意。」查埔人手一下撲，對外口hia-ê白帽仔講：「共銃子攏退出來扞佇內底，關門，出去！」

毋過白帽仔in敢若真躊躇，內底有一个應聲講：「侍衛長，按呢欲按恁確保總統ê安全咧？」

伊話音猶未煞，雄雄「phŏgh」一聲，tsit个應話ê已經phiang佇塗跂，就是tsit个穿長衫ê查埔拔銃共彈ê。

「Tse是命令，恁啥人閣hǎn-khóo試覓咧！」

講甲tsia，白帽仔隨个攏開始換銃栓，銃子嘛一粒一粒落出來跋落塗跂，一時間「khin khin khiang khiang」ê聲直直霆，了後，白帽仔就退出去門外，將門對外口關起來。

「按呢，有誠意無？」穿長衫ê查埔人那講，那共拄才用來彈白帽仔ê短銃對窗仔擲出去。

「有影真有誠意…」黃攪沙話未曾講煞，雄雄身軀邊一个烏影huánn過，就是林結合，伊看tsit个範勢，拍算趕緊共tsit个查埔人拍倒，代誌就會用得收煞。

林結合大聲喉叫從進前，雙跂頓地，目矚仔已經躡上樓梯欲去到查埔人面頭前，林結合出鶴拳ê火手就欲予lueh，查埔人面攏無變，猶原笑笑，坦敲身小閃一下，雙手指佇後壁，無張持擰正跂，跂尾隨踢著林結合êē-keh，林結合才小可ànn腰爾爾，查埔人ê跂頭跌連鞭對伊胸坎頓起-lih，伊自按呢倒頭對樓梯頂栽落來，規个phiann佇塗跂。

「二高師ê頭腳師仔，你tsit步敢是號做“白鶴倒頭栽”？」查埔人ná講ná笑，面裡袂輸有寫兩字：「侮慢」。

「恁娘咧！」林結合心狂火著，peh起閣從上樓梯，雙手出雙錘，雙錘帶khiū性親像一糊麻糍相黏，出，是雙錘，毋過攏無空隙，tsit擺查埔人就無通hiah輕可ah，伊予逼一下退兩步，毋過伊退ê時陣全款閣坦敲身，隨出倒手，即時手已經黏佇林結合ê正手khiau，林結合看伊門開ngā-ngā，雙錘攻伊頂腹蓋，伊煞身軀綴倒手徙去佇林結合ê倒斗，正手曲猛力鑿對林結合ê鼻頭，林結合哀一聲，查埔人tsit時已經佇伊尻脊後，

輕輕仔一下搯，林結合又閩倒頭栽倒落來，總是 tsit 擺閩較 bái，因為查埔人無離伊 ê 身，刁工綴伊落來，掠伊做肉 tsū 仔，兩個人重 huainnh-huainnh 摔來佇樓梯跤，林結合領頸拗折，即時斷氣。

查埔人小躡一下隨倚起身，講：「Tsit 步肉餅鶴，ngh…無蓋好看…」喙角一咧 ngiauh 懸，笑著奸臣奸臣。

看著林結合去予拍死，黃攪沙 in 一陣人攏氣甲磅心，大聲 tshoh 大聲 kiāu。

「按怎？不服 nih？恁一擺總來 ah？！」查埔人猶原笑笑，揣 in 起空，完全無將 in 囡佇眼內。

黃攪沙 ê 兄弟仔俗師仔聽著伊 tsiah-nī-á 猖狂，隨个嘛搯頭陣，規陣人擲起 -lih，啥人就想欲將伊分屍拆腿。

Tsit 个查埔人猶原無驚無惶，照伊 ê 噤拍，開始八極拳 ê 六大開，貼山靠、纏絲彌拳、猛虎硬爬山、左右搥掌、左右攔捶、虎撲連環拳，tsit 六大開攏帶暗力，連鞭肩胛，連鞭手 khiau，出手變掌，翻掌做拳，連腰都會拚人、幌人，閩較莫講跤頭跌佢跤起起落落，較無一分鐘，幌飛去撞壁 ê，步位予拍著傷 ê，煞尾有 ê 肉裂，有 ê 骨折，十插个攏倒佇塗跤 peh 袂起來。

黃攪沙看甲 tsia，吐一下大氣。有人檢采會想欲問：「攪沙 ê 毋是火焮性，是按怎無綴咧衝？」咱頭前有講著，tsit 个阿沙師個性蓋土直，想著啥就隨牢心，tann 伊自開始就感覺 tsit 个侍衛長咧做代誌足龜怪，後壁決定有藏機關佇咧，伊一下按呢想，就開始 tùn-tenn ah，是佇 hit 个逐家氣甲磅心 ê 時霎仔，伊無才調叫兄弟俗師仔莫 hiah 衝碰爾爾，啊伊家已咧，因為看 tsit 个侍衛長 ê 暗毒看袂迴，是顧倚佇 hia 直直想，都也猶想無一个結果。

「阿沙師，按怎？恁 tsia-ê 高手攏倒 hê-hê--ah--neh，欲認輸無？」Hit 个侍衛長全款 hit-lō 謔笑謔笑 ê 死人形。

「所以你…你叫 hia-ê 侍衛走，家已佇 tsia…就是欲證明家已 ê 功夫較 gâu，是毋？」

「Hah hah hah hah，你算聽著一半…」Tsit 个穿長衫 ê 查埔人無張持話頭牽對別位，「你拍算猶毋知影，恁欲去樓頂相揣 ê…hit 个人，已經過往 ah--honnh？」

黃攪沙一時間猶聽無，干焦問：「啥人過往 ah？」

「Aih…七海官宅 ê 主人啊！」

「你講 Tsiunn-tsî 國已經死 ah？」

「Tsheh！無禮貌你！是故蔣總統！」

「你是咧變啥 mih 蠟？Tsiunn-tsî 國若死，是按怎外口攏無消息？」

「Ai-ioh…你有影土閣搖櫓 neh！」侍衛長那幌頭那講，「總統過身，是佢 nī仔大 ê 代誌，閣來 ê 安排若無推予定著，就雄雄宣布，都毋是咧擇 lān 接鼻 koh！？等代誌 tshé-pái，天光阮就會宣布伊過身 ah。」

「恁 tsia-ê 人，按呢奸奸鬼鬼，頭 ê 過身，毋緊通知副 ê 接位，佇 hia 咧掩埃，明明有問題！」

「Tshé! 你捌啥！你敢知影副總統是啥人？」

「哪會毋知，都姓李 ê 啊！」

「知就好…」侍衛長勻勻仔行去邊仔 ê 几桌，斟一甌茶，啉一喙了後 hē 咧，講：「台灣人是有啥物資格咧佢人做總統 lah？笑死人閣！」

「啥？你講啥？恁共消息壓咧，就是欲阻止副總統坐位！？」

「阿沙師，你嘛 páng-páng-mâng，恁台灣人是幾分 ê 螺絲？做總統？仆咧仆咧較袂著銃 lah！」

「恁娘咧！Tsiunn-tsî 國都已經指定伊做副總統 ah，恁是咧哭枵啥滿？」黃攪沙袂堪得氣，已經咧揣空縫準備欲衝起去。

「著 lah！Tsit 个故總統食老咧老 thuē--ah，毋但解除戒嚴，閣選一个台灣人做副總統無打緊，伊為著煩惱時到有人有意見，閣寫手諭愛逐家佇伊死了後予 hit 个姓李 ê 接伊 ê 位。」侍衛長那講，那對衫 ê 暗袋仔 tloh 一張紙出來，「好佳哉伊一下死，我隨共 tsit 張暗袋…閣來，阮會另外選一个較 tsiūnn-kioh ê 總統，恢復戒嚴…」

「你…」

黃攪沙三步擡倚好勢，準備倚去搶，雄雄相著銃喙一空烏 long-long，當時仔就是侍衛長對倒跤腿閣拔一支短銃出來。

「毋免閣拍 ah，恁 tsia-ê 三跤貓 ê 功夫，我已經試過 ah，tsit-má 恁爸就送你上路！」

侍衛長銃 tauh 才拄欲刁 lueh，雄雄對窗仔外飛一粒鴨卵 hiah 大粒 ê 物件入來，拄拄好擊躑伊 ê 頭殼頂焮開，「piáng」一聲，侍衛長 ê 面 kō 甲烏墨墨，手一直 huê 目矔，哀爸叫母咧喝疼，毋過那喝那細聲，那喝那 lut 力 un 落去塗跤，都較無三十秒，就倒佇塗跤去見 in 祖公祖媽 ah。

「響馬丹！」黃攪沙大聲叫出來！

青碰白碰門去予人整開，廖科 tshuā 一陣人行入來。

「目識閣真利，會認得阮師爺阿善師 ê 響馬丹。」廖科出聲，毋過目矔攏無看黃攪沙。

「多謝阿科師相救！」黃攪沙即時倚過欲說謝，無想著廖科毋但目矔猶原看別位，閣雄雄出金鷹拳 ê 「展翼」，搨一下攪沙 ê 自按呢 siàng 去甲壁邊。

黃攪沙嘛無受氣，伊倚起來，共身軀 puān-puān 咧，對囊袋仔提一个柴盒仔出來，就是佇振興社廖科予伊 ê hit 个，講：「我知影你無原諒我，我嘛無期待你原諒我，tann，干焦希望代誌到我 tsia 總煞，七欠佻六房媽 tsit 毋無怨無恨，tak-khê 懷疑攏總擦消！」

阿沙師對盒仔底，將 ngiáuh-ngiáuh 動 ê 蜈蚣掠出來園入喙，嚇几桌頂 hit 杯茶做伙吞 lueh，逐家都真 gōng-giáh，看甲目睷展大蕊，喙仔 peh-ha-ha，ah 會知阿沙師繼接去拈侍衛長落佇塗跤 ê 短銃，指佇鬢邊，開銃「phńgh」一聲…



作者感言

劉承賢

希望有 koh-khah 濟人看見台語文學 ê 嬌，有影無輸別个語言；向望台語直直傳淡，永世代無盡。